

# **Projet de Charte**

## **de la communauté scolaire du Lycée Robert-Schuman, Luxembourg**

/

Dës Schoulcharta betrëfft all eenzelne Member vun der Schoulgemeinschaft: ob Schüler, Professor, Direktioun, Elteren oder Mataarbechter (z.B. den SPOS). All dës Leit müssen sech an der Schoul wuelfille kënnen. Eis Charta soll duerzou bäidroen, datt dës Schoulgemeinschaft fonktionnéiert an zesummewiist.

D'Schoulgemeinschaft vum Lycée Robert-Schuman huet als Aufgab Jugendlecher ze erzéien, ze ënnerrichten an ze beroden. Si erzitt d'Schüler zu mündegen, verantwortlechen a kritesche Bierger. Si respektéiert jidderengem séng Kultur a bréngt doriwwer eräus déi lëtzebuergesch an europäesch Wäerter no. Duerfir verpflichtet sech de Lycée Wëssen an Wäerter ze vermëttelen, déi de Jugendlechen et erlaaben an hirem spéidere Liewen hir Rechter a Pflichten z'assüméieren. Deelhuelen un dëser Schoulgemeinschaft heescht fir jiddereen, datt en dëser Charta zoustëmmt, hir Wäerter respektéiert a sech fir hir Ziler asetzt.

### *Eis Wäerter an Ziler*

1. Ech sinn tolerant, respektvoll a rücksichtsvoll an diskriminéieren nët, egal wéi en Ursprung a Geschlecht e Mënsch huet, egal wéi säi kulturellen, ethneschen, reliesen oder familiären Hannergrond ass.
2. Ech schwätzen an diskutéiere matt, stelle méng Meenung och a Fro, stëmme mat of an akzeptéieren eng Décisioun, déi geholl ginn ass. Ech si bereet Verantwortung ze iwwerhuelen.
3. Ech sinn hëllefsbereet an droe mäint zur Konfliktbewältegung bäi. Ech si bereet Kompromësser anzegoen a matzedroen.
4. Ech verzichten op all kierperlech a psychesch Gewalt.
5. Ech gi mäi Bescht an alle Beräicher. Ech schafen eng Atmosphär fir roueg a konzentréiert ze léieren.
6. Ech schützen a respektéieren d'Schoul an d'Ëmwelt.

### *Engagement*

*D'Membere vun der Direktioun engagéiere sech*

- *d'Wärter an d'Ziler, dei hei opgezielt sinn, ze respektéieren an ze hëllefen datt jiddereen sech an der Schoul wueffillt*
- *datt d'Schüler déi néideg Mëttelen hunn, fir déi festgesaten Ziler ze errechen*
- *opzepasst datt d'Reegelen an d'Prozedure vun der Schoul agehale ginn*
- *den Dialog ze förderen*
- *d'Projekter vun der Schoul ze ennerstëtzen*
- *sech mat deenen anere Schoulpartner ze beroden*

*D'Mataarbechter vum SPOS engagéiere sech*

- *d'Wärter an d'Ziler, déi hai ir opgezielt sinn, ze respektéieren an ze hëllefen, datt jiddereen sech an der Schoul wueffillt*
- *ëng psychologesch an pädagogesch Hëllef an Begleedung unzebidden, déi doranner besteet, opmierksam nozelauscheren an fachlech Rotschléi matzeginn.*
- *eng individuell Ennerstëtzung unzebidden, fir dat physescht, psychescht an sozialt Wuelbefanne vun den Schüler ze förderen*
- *iwwert schiedlech Substanzen a d'Risikoverhaalen ze informéieren an ze sensibiliséieren.*
- *de Schüler bei hierer schoulescher and beruflescher Orienteierung zuer Sait ze stoen*

*D'Enseignanten engageiere sech*

- *d'Wärter an d'Ziler, déi hei vir opgezielt sinn, ze respektéieren an ze hëllefen, datt jiddereen sech an der Schoul wueffillt.*
- *d'Schüler an hiere Bemeiungen ze ennerstëtzen an deenen ze hëllefen, déi Schwierigkeeten hun.*
- *den Dialog mat de Schüler an hieren Elteren ze féieren.*
- *sech iwwer nei didaktesch a methodesch Approchen ze informéieren.*

*D'Schüler engagéiere sech*

- *d'Wärter an d'Ziler, déi hei vir opgezielt sinn, ze respektéieren an ze hëllefen, datt jiddereen sech an der Schoul wueffillt*
- *d'Verhaltensregelen, déi mam(t)(der)Régent(e) am „code de vie“ festgehale sinn, ze respektéieren*
- *motivéiert ze sinn an aktiv um Schoulliewen deelzehuelen*
- *sech géigesäiteg ze hellefen a konkret Verantwortung ze iwwerhuelen.*

*D'Elteren engagéiere sech*

- *d'Wärter an d'Ziler, déi hei vir opgezielt sinn, ze respektéieren an ze hëllefen, datt jiddereen sech an der Schoul wuelfillt*
- *d'Haaptverantwortung fir d'Erzéiung vun eise Kanner ze iwwerhuelen an hinnen déi wichteg Grondwärtler a Verhalensreegelen am Ëmgang mat deenen aneren ze vermëttelen*
- *d'Aarbecht an d'Meenungen vun der Direktioun, de Professeren, an de Schüler ze respektéieren*
- *an deene verschiddene Greemie konstruktiv matzeschaffen a sech ëm een oppenen Dialog mat alle Beträffenen ze beméien.*
- *bei Problémer fir d'éischt d'Gespréich mat alle Parteien ze sichen.*

Den Inhalt vun dëser Charta gëtt périodesch iwwerpréift an adaptéiert.